

Mam - Agape Xjan Tu'jil - God's Love Letter Scriptures

Juan 15:9 Ic tza'n te Nmane ma chin c'ujlanjtze tu'n, icxtzun cyeye ma che nc'ujlaye. Ax che tencje tuj nc'ujlalile.

Isaías 43:1 Atzun ja'lo, akeye aj Israel tiyjil Jacob, ate Kman aju binchante cyeye chi cyja': Mi'n che xobe porque ma che colpete wu'ne; ti'j cybiye e tzaj ntxco'ne porque etzan keye wu'ne.

Jeremías 1:5 Na'nxtok toc tena tuj talbil ttxu'ya ya otok jaw nsc'o'na, ex na'nxtok tul itz'ja ya otok tz'el npa'na, ex bi'x banimaj wu'ne tu'n toca te nsanjele, tu'n t-xi tma'na nyole cye xjal ate' cyuj txkantl nasyon, chi Kman weye.

Juan 15:16 Mya akeye e jaw sc'onte weye; nok o'cx akine ñin jaw sc'onte cyeye ex ma tz'oc nk'o'ne cyoclene tu'n cyxi'ye ak'nal, ex tu'n toc cywitze ex cucx tu'n tten cywitze ic tza'n jun wi' uva at nim twitz, tu'ntzun ttzaj tk'o'n Nmane cyeye tcyakilju cxel cykanine te, tu'nju ocslal keye wi'je.

3 Juan 1:2 In chin cubsane twitz Dios ti'ja erman, aya at nc'u'je ti'ja, cuchiwit tu'n tel ba'n teya tuj tcyakil ex tu'n ttena tuj txubtxaj ic tza'n tanmiya ba'n ta'.

Isaías 43:4 Porque nimxix nc'u'je cyi'je, ma' cyoclene tuj nwitze ex c'ujla'n keye wu'ne. Nok tu'n cytene wuc'ile ex tu'n cycyaj ank'ine, ma che'x nk'o'ne ke xjal ex ke nasyon tu'n tcub cyi'j te cyxele.

Jeremías 31:3 Cub tyec'un tib Kman kwitz atxix ojtxi ex tma cyja': Te jumajx ma che nc'ujlaye ex cucx tk'ak'an nc'u'je cyi'je.

Oseas 11:8 ¿Tza'n tten tu'n cycyaj ntzokpi'ne, akeye aj Efraín? ¿Tza'n ten tu'n cycyaj ncoline, akeye aj Israel? ¿Jacupe che naje wu'ne ic tza'n naj aju tnam Adma, ex ka tu'n nbinchanteye cyi'je ic tza'n o bant wu'ne cyi'j aj Zeboím? In tzaj nim ta'w tuj wanmiye, tu'nju at nim tk'ak'bil nc'u'je cyi'je.

Juan 3:16 Tu'nju nimxix tc'ujlalil Dios cyi'j xjal, cyja'tzun ma chin tzaj sama'ne tu'n, akine o'cxcu jun Tc'wa'l, tu'ntzun mi'n cynaj ccyakil keju ma che ocslan wi'je, nok o'cx tu'n tten cychwinklal te jumajx.

Isaías 49:15,16 Atzunte Dios in tma'n cyja': ¿Jacupe tzic' tna'l tu'n jun txuybaj tu'n mi'n tc'ujlante tal? Balo jacu tzic' tna'l tu'n, atzun weye, mlay tzic' cyna'le wu'ne. 16 Porque bi'x tz'iban cybiye wu'ne twitz nk'abe, ex cucx in chin ximane cyi'j ke muro tocsa'n ti'j cytanmiye.

Isaías 41:13 Porque akine Dios aju Cymane, tzyu'n keye wu'ne ex o nmaye cyeye cyja': Mi'n che xobe, chin onile cyi'je.

Matey 28:20 cyk'onxe xnak'tzibil cye tu'n tjapun cyu'n tcyakilju ma txi nma'ne cyeye. Ex lu kine chin tele cyuc'ile tcyakil k'ij acutzun in japun baj mancbil tk'ijlalil. Icxwitju.

Juan 14:1 Mi'n baj cyc'u'je; ke'c cyc'u'je ti'j Dios, ax icx ke'c cyc'u'je wi'je.

Isaías 41:14 In tma'n Kman cyja': Akeye aj Israel tiyjil Jacob, masque tal ch'in keye ex minti' cypune, mi'n che xobe porque chin onile cyi'je. A kine Dios Xjan cye aj Israel, akine colpil cyeye.

Isaías 43:2 Ka il ti'j tu'n cyic'xe tuj a', akine chin tele cyuc'ile, ka il ti'j tu'n cyic'xe cyuj nima, mlay che'x mulk'aje tjak' a', ex ka il ti'j tu'n cyocx k'o'ne tuj k'ak', mlay che tz'e'ye ex mlay jaw julin k'ak' cyi'je.

Salmos 23:1-6 Ate Kman pastoril weye, tcyakil at weye tu'n. 2 In chin cub tk'o'n tuj cha'x c'ul tu'n wojlane, in chinx ti'n ttzi a' xtilun wen. 3 In ten juntl maj wipune tu'n, ex xaklu'n kine tu'n tuj be jikun ti'j, tu'nju ma' toclen tbi. 4 Masque ma chin bete cyxol ke witz kloljix wen, mlay chin xobe teju mya ba'n, porque ata wuc'ile Nman, ex in ke' nc'u'je ti'ja tu'nju ttze'ya k'i'n ex ju tcy'ako'cha. 5 Ma tzaj tk'o'na nwaye tbanilxix cywitz ke aj k'oj wi'je; ex ma jax tk'o'na perjum tuj nwi'ye; nne'l kojil ttzi nvase tu'nju nimxix in tzaj tk'o'na weye. 6 Cucx ctzajel tk'o'na t-xtalbila ex tc'ujlalila weye tuj tcyakil k'ij te wank'ible; ex te jumajx chin najale tuj tjaya Nman.

Juan 14:27 Che cyjel ncawine tuj cheba tu'n tke' cyc'u'je; cyjel nk'ukba'ne cyc'u'je, pero mya ic tten k'ukbabl cyc'u'je cxel nk'o'ne ic tza'n cye xjal in cyk'o'n. Cyja'tzun mi'n baj cyc'u'je ex mi'n che xobe.

Filipos 4:7 Cyja'tzun ckebil cyc'u'je tu'n Dios; mas ma' t-xilen jlu twitz tcyakil cynabl xjal, tu'n jlu c'oquel cwentin cyanmiye ex cyximbetze, tu'nju at cymojobabl cyibe tuc'il Jesucrist.

Proverbios 3:24 Oc tojlana minti' tu'n t-xoba, ex oc tcub coxe'ya, txubtxaj ctala.

Salmos 4:8 Txubtxaj in chin cub coxe'ye ex in chin tane, tu'nju o'cx aya k'ukbalte nc'u'je, Nman.

Salmos 33:18 Atzun keju in che niman te Kman ex in ke' cyc'u'j ti'j tc'ujlalil, cucx cwentin ke tu'n.

Rom 5:2 Ma tzaj tk'o'n Dios t-xtalbil ke nok tu'n Jesucrist, porque ma ko ocslan ti'j, ex wa'l ko'xix tuj t-xtalbil, ex in ko tzalaj tu'nju k'ukl kc'u'j ti'j tu'n kten tuc'il Dios tuj tajwalil.

Isaías 55:12 Che eletze ma chixin tuc'il tzalajbil, che ul meltz'aje tuj txubtxaj. Oc cyque'yinjtzze cyu'n ke nmak witz ex ke tal witz, che jawil bitzan tu'n tzalajbil ex ccyakil tze' tuj cojbil che jawil tzalaj.

Juan 16:22 Icxtzun cyeye ja'lo in che bisune; pero che oquel nque'yine juntl maj, ex octzun ctzalajel cyanmiye, ex mi a'l jun c'elel k'inte tzalajbil tuj cyanmiye.

Lucas 12:9 Pero alcye ma cub tewan cywitz xjal ka minti' ojtzki'n kine tu'n, ax icx weye cbel wewane cywitz t-anjel Dios ka minti' ojtzki'n wu'ne.

Matey 10:30 Ax icx cyeye, tcyakil ttzmal cywi'ye ajla'maj.

Isaías 54:10 Masque ch'expet cylugar ke nmak witz ex masque che cub xitj ke tal witz, aju nc'ujlalile ti'ja mlay ch'expet ex mlay ch'expet aju nyole cyaj bant ti'j cyuc'ile tu'n cytene tuj txubtxaj, chi Kman, aju at tc'u'j cyi'je.

Matey 11:28-30 Cytzaje wuc'ile cycyakile akeye ma che sicte tu'n ak'untl ex ma che sicte tjak' iktz, octzun che ojlale wu'ne. 29 Cyikanxe nyuwiye, ex cyxnak'tzam cyibe wi'je, porque mans kine ex mans wanmiye; octzun cnetel jun ojlabl cyu'ne te cyanmiye. 30 Porque aju nyuwiye mya yajcux tikanjtz, ex sasj wikatze cxel cyikane.

Cantares 2:10 Aju xinak c'ujla'nxix wu'ne tzaj tma'n weye cyja': We'ctza aya xu'j at nc'ujlalile ti'ja; chuxa xu'j tbanilxix que'yina, ko'tzun.

Oseas 2:14,19,20 Che oquel nxmoxine ke aj Israel tu'n cyxi wi'ne tuj lugar minti' xjal tuj ex tu'n tcyakil nc'ujlalile chin xel yoline cye. 19 Akeye aj Israel, axix toc che oquele te nxu'jile te jumajx ic tza'nx in tma'n ley, porque c'ujla'n keye wu'ne ex at tk'ak'bil nc'u'je cyi'je. 20 Che oquele te nxu'jile ex cjapunel nyole cyuc'ile, octzun c'elel cynic'e wi'je, ka akine Cymane.

Éxodo 3:14 Tzaj ttzak'we'n Dios te Moisés: AKINE AJU AX KINE, chi Dios. Ax icx tzaj tma'ntl: Cyja'tzun tten cxel tma'na cye aj Israel: Aju toc tbi AKINE ma tzaj samante weye cyuc'ile, chicuya.

Oseas 13:4 Chi Kman: Akine Cydiose aju Cymane atxix tej cytene tuj Ejipt. Mi'n txi cynimane juntl dios, o'cx kine, ex o'cx akine clol cyeye.

Juan 15:14 Akeye che oquele te wamiwoye ka ma cybinchaye aju cxel nma'ne cyeye.

Juan 14:6 Xi ttzak'we'n Jesús: Akine ju be, akine ju yol axix toc, ex akine k'ol chwinklal; mi a'l jun xjal jacu pon tuc'il Dios Mambaj, ka mya wu'ne.

Apocalipsis 3:20 Lu kine atine ttzi ja ex in chin k'ajtzane; ka at jun ma binte tk'ajk'ajel nwi'ye ex ma tz'ocx tjako'n tlamel ja, chin oquexe tuc'il, ex chin wa'le tuc'il, ax icx te cwa'l wuc'ile.

Pastor T. John Franklin
Church of Salvation, Healing, and Deliverance
COS-HAD.org